

# Tant de fois s'appointer, tant de fois se fascher

Tant de fois rompre ensemble et puis se renoïer,  
Tantost blasmer Amour et tantost le loïer,  
Tant de fois se fuyr, tant de fois se chercher,

Tant de fois se monstrar, tant de fois se cacher,  
Tantost se mettre au joug, tantost le secouer,  
Advouer sa promesse et la desadvouer,  
Sont signes que l'Amour de pres nous vient toucher.

L'inconstance amoureuse est marque d'amitié.  
Si donc tout à la fois avoir haine et pitié,  
Jurer, se parjurer, sermens faicts et desfaicts,

Esperer son espoir, confort sans reconfort  
Sont vrais signes d'amour, nous entr'aimons bien fort,  
Car nous avons tousjours ou la guerre, ou la paix.

Pierre de Ronsard (1524–1585)